

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

CAMPÀNNIA VACINALI: SÀBUDU 29 DE MAJU SI TORRAT A FAI IN MARA!

Gràtzias a sa faina de sa retza de solidariedadi sotziali Ad Adiuvandum SÀBUDU 29 de Maju at a essi ativu torra s'hub vacinali a tempus de Mara, cun s'agiudu de is Mèigus e infermieris bolontàrius, fortzas de Politzia Locali, Misericòrdia de Sètimu, MA.SI.SE, Cooperativa Sotziali "I soccorritori Gran Ducato di Mandas", ASD MARAbadminton.

Is categorias chi podint gosai de sa vacinatzioni funt:

- ✓ Tzitadinus dilicaus meda (chi tenint su còdixi de dispensu) e conviventis.
- ✓ Tzitadiunus dilicaus meda chi tenint su diabeti melitu (cun còdixi de dispensu) e conviventis.
- ✓ Tzitadinus over 80
- ✓ Tzitadinus over 70
- ✓ Tzitadinus over 60
- ✓ Familiaris chi bivint impari e care givers ant a depi presentai su mollu de autocertificazioni cumpilau: <https://www.comune.settimosanpietro.ca.it/.../p1f5v29245e...>

*Is Care givers ant a depi portai sa fotocòpia de sa Lei 104 e dda intregai alliongiada a su mollu precompilau.

Sa campànnia vacinali de su pianu natzionali, ma fintzas a livellu regionali, parit essi incarrerada beni, ma est de importu sa partecipazioni a giorronadas cumentis a cuddas apariciadas a Mara, po chini, mancai cun su diritu a sa vacinatzioni de tempus meda, non dd'at incora fata. Non funt medas, deus

gràtzias, ma funt prus bortas personas antzianas, solas, chi ant tèntiu o tenint difficultadi po andai a s' hub Ats.

Po agiudai custas personas est de importu una retza de cumpartidura de is informatziones e unu craru spainu de su fueddu, po fai a manera chi fintzas custa parti de popolatzioni podint essi postas in seguresa po su chi pertocat sa vacinatzioni.

Duncas, chinisiat connoscit cuntzitudinus nostus chi faint parti de custas categorias e no ant incora fatu su vacinu, est invitau a ddas cumbinci de custa ocasioni manna. Is assòtzius de bolontariau de su territòriu funt a disponimentu po calisiat duda da parti de custus tzitudinus.

Donai a cura ⚠️: po arriciri is fainas vacinalis no est de importu a si assentai, ma s'at a donai precedèntzia a is over 80, over 70 e categorias dilicadas. APUSTIS a is over 60 e familiaris/ Conviventis/ Care givers.

Ant a essi is Mèigus, diaci etotu cumentu a sàbudu, a decidi is prioridadis pighendi a consideru s'anamnesi mèiga de cumpetèntzia e responsabilidadadi insoru.

TOCAT A SI PORTAI AGOA:

● TÈSSERA SANITÀRIA

● DOCUMENTU DE IDENTIDADADI

● MOLLU de Anamnesi giai cumpilau,(chi teneis difficultadi in sa cumpilatzzioni pedei agiudu a su mèigu de famìllia bostu chi s'at a consillai su giustu). https://asfo.sanita.fvg.it/.../modulo_consenso-scheda...

● VERBALI DE INVALIDIDADADI PO DISÀBILIS GRAVIS.

● DOCUMENTATZZIONI CHI CONTAT DE SA MALADIA PO IS DILICAUS E DILICAUS MEDA (dispensa, documentatzzioni clìnica).

● MOLLU PO IS CONVIVENTIS/ CARE GIVERS

<https://www.comune.settimosanpietro.ca.it/.../p1f5v29245e...>

✅ Is mollus ant a essi a disponimentu fintzas in Munitzìpiu.